

CC
CARIBBEAN
QUEEN

The Queen has ruled!
10 days of SALE!

January 21 till January 31, 2014



Located at Palm Beach Plaza Mall.
Opening hours: Daily from 10 AM - 10 PM.
Tel: (+297) 586-8737
Website: caribbean-queen.com



Minister Benny Sevinger:

"Cu construcccion di prome MFA ta continua cu vision di infraestructura pa nos hendenan"



ORANJESTAD(AAN): Proyectonan di infraestructura cu ta crea miho espacionan publico ta continua cu Gabinete Mike Eman II; y construcccion di Facilidatnan Multifuncional (MFA) ta forma parti di e plan aki. P'esey mes Minister di Infraestructura Benny Sevinger, tin un papel importante y su firma tambe a bay riba e documentonan cu Gobierno, Stichting Onroerend Goed Aruba (SOGA) y contratista Bohama Aruba N.V. a firma e siman aki.

Pa Minister Sevinger, e construcccion di e prome di cinco MFA rond di Aruba ta nifica cu Gobierno por trece su serviccionan mas cerca di e ciudadano, y na mesun momento ta crea espacionan di recreacion y contacto social den e bario. E Facilidat Multifuncional ta djis un di e proyectonan grandi cu Gabinete Mike Eman tin destina pa e pueblo di Noord.

Na dje ta suma construcccion di un compleho educativo pa enseñanza secundario, sin laga afo tur loke a worde haci caba manera renobacion di schoolnan, vianan publico y asistencia na clubnan deportivo. E masterplan di Ringweg

3, conoci como Watty Vos Boulevard tambe ta yega Noord tanto for di caminda di Tanki Flip como na e area di hotelnan. Den e diseño di cada MFA a tene cuenta pa inclui su debido infraestructura.

Apercura pa tin suficiente luga di parkeo, acceso pa personanan cu discapaci-

dad, conexcion cu edificionan rond di dje y cu tin suficiente areanan berde cu sombra pa cana y topa cu biciñanan. Tur esaki ta cuadra cu e vision di Gabinete Mike Eman I caminda ta traha infraestructura no pa auto so transita, pero principalmente pa hende tambe por disfruta di dje.

Durante e conferencia di prensa, Minister Sevinger a trece e puntonan aki dilanti, indicando tambe cu DIMAS, cual ta cay bou di su responsabilidad den e Ministerio di Integracion, tambe lo por yega mas cerca di su clientenan door di haci uso di e facilidad di e MFA den Noord, Paradera, Santa Cruz, Savaneta y San Nicolas. Pa loke ta e mueblenan y ekipo necesario, e Minister a comenta cu ya caba cada Hulpbestuurkantoor tin su inventario y ta djis cuestion di muda esakinan, pero loke mester

bin acerca, Gobierno ta percura p'e. Algo cu tambe ta cay bou di responsabilidad di Minister Sevinger y su InfraTeam ta e supervision di e trabao cu e

contratista lo haci. Ya caba for di prome instante, e ta encurasha Bohama Aruba N.V. pa keda cla na tempo of te hasta prome, si ta posibel.